

২৩-০৪-১৮ প্রাতঃ মুরলি ওম্ শান্তি " বাপদাদা" মধুবন

"মিষ্টি বাচ্চারা, নিজেদের স্বভাব খুব মিষ্টি আর শান্ত বানাও, আচার আচরণ এমন হতে হবে যাতে সবাই বলে, ইনি দেবতার মতো"

প্রশ্নঃ - বাচ্চারা সঙ্গমযুগে বাবার থেকে তোমাদের কোন সার্টিফিকেট নিতে হবে ?

উত্তরঃ - নিজেদের দৈবী ম্যানাসের সার্টিফিকেট । বাবা এত যে শৃঙ্গার করছেন, বাচ্চাদের এত সেবা করছেন, সেসবের রিটার্ন তো অবশ্যই তোমাদের দিতে হবে । তোমাদেরকে বাবার সহযোগী হতে হবে । সহযোগী বাচ্চা তারা, যাদের প্রকৃতি হবে দৈবীয় এবং ঈশ্বরীয় সার্ভিসে তারা কখনো ক্লান্ত হবেনা । যজ্ঞ সেবার প্রতি তাদের স্নেহ থাকবে । এমন বাচ্চাদের বাবা প্রতিদান দেন । সমাদর করেন । এইরকম সার্ভিসেবল বাচ্চাদের দেখে-দেখে বাবা পুলকিত হন ।

গীতঃ - হৃদয় চাহে তোমায় ডাকিবারে ....

ওম্ শান্তি । ভক্তদের প্রতি ভগবানুবাচ, তোমরা ভক্তরা যখন তাঁর সামনে আছ, তোমরা জানো যে ভগবান এখানে বসে জ্ঞানের গীত শোনাচ্ছেন এবং তোমাদের জ্ঞানড্যান্স করাচ্ছেন । আচ্ছা, এর থেকে কি হবে ? বলা হয়, দেবতাদের মতো তোমরা নিরন্তর সুখী থাকবে এবং উৎফুল্ল হবে । এক ভগবানকেই বেহদের বাবা বা বিশ্ব রচয়িতা বলা হয়ে থাকে । তিনি স্বর্গের রচয়িতা । বিশ্ব প্রথমে স্বর্গ তারপরে নরকে পরিণত হয় । সুতরাং এখন এটা নরক । মানুষ ভক্তিমার্গে ধাক্কা খেতে থাকে । ভক্ত ভগবানকে স্মরণ করে । আত্মা জানে, বাবা তাদের জন্য স্বর্গের উপহার এনেছেন । তিনি রচয়িতা । তিনি আমাদের স্বর্গের মালিক বানানোর জন্য এসে প্রথমে রাজযোগ শেখান । তিনি বলেন, বাবা আর বিশ্বের মালিক হওয়ার স্থিতি, স্মরণ করো । যখন বিশ্বরচয়িতা তোমার বুদ্ধিতে আসেন, তখন বোঝা যায় পরমপিতা পরমাত্মা নতুন বিশ্ব রচনা করেন । এই বিশ্ব মানুষের থাকার জায়গা । বাবা বেহদের মালিক সুতরাং নিশ্চয়ই বেহদের বড় দুনিয়াই রচনা করবেন । কোনো ছোট ঘর তোমাদের জন্য বানাবেন না । সেতো লৌকিক বাবারা বানাতে থাকে । ইনি তো নতুন বিশ্ব রচনা করেন । বাচ্চারা বিশ্ব তোমাদের জন্য ঘর অর্থাৎ তোমাদের পার্ট প্লে করার স্থান । তোমরা জানো যে তোমরা ভারতবাসী, সুতরাং, এই ঘর তো তোমাদেরই, তাই না ! ভারতবাসী এখন নিজেদের হদের মালিক মনে করে, অথচ ভারতবাসী বেহদ দুনিয়ার বাসিন্দা ছিল । বাবা খুব ভালো রীতিতে তোমাদের বোঝান, কিন্তু তোমরা বাচ্চারা মুহূর্মুহু ভুলে যাও । এমনকি তাঁকে ধন্যবাদও জানাও না । বেহদের বাবা এসে বেহদ-বিশ্ব তথা ঘর বানান, অর্থাৎ তোমাদের জন্য স্বর্গ । এমন নয়, বেহদের নরক রচনা করেন । বাবা তো এসে স্বর্গ রচনা করেন আর বাচ্চাদের আবার সেই স্বর্গের মালিক বানান । এর অর্থ হলো তিনি তোমাদের নতুন দুনিয়ার মালিক বানান । এই বিশ্বের মালিক লক্ষ্মী-নারায়ণ ভারতে ছিলেন । সেই সময় আর কোনও ধর্ম ছিলনা, শুধু এক ভারত বিদ্যমান ছিল । বাবা কতো ভালোভাবে বুঝিয়ে দেন ! কিন্তু বাচ্চাদের সেইরকম নেশা লাগেনা ! বাচ্চারা হদের নেশায় থাকে । আত্মাদের সেই নেশা তো থাকে, তাই না ? আত্মার শরীর যখন বড় হয়, সে তার অর্গ্যান্স দ্বারা বর্ণন করতে পারে । ছোট বাচ্চা তো বলবে না যে, আমি বিশ্বের মালিক বা আমি অমুক । যখন সে কৈশোরে পৌঁছায়, তখন বোঝে সে বিশ্বের মালিক । তোমরা ছোট নও, তোমরা তো বড় হয়েছেো । বাবাও পরিণত শরীর নিয়েছেন । তোমরা বৃদ্ধিতে পারছ, বাবা বিশ্বের রচয়িতা । তিনি নিজে মালিক

হন না । কিছু শব্দের ব্যবহারেও কখনো কখনো ভুল হয়ে যায় । বাবা বিশ্ব-রচয়িতা । তিনি বলেন, আমি বিশ্ব শাসন করিনা । সারা সৃষ্টির রচয়িতা এক আমি । প্রতিটা শব্দ তোমাদের রিফাইন করে বোঝাতে হবে । বাবা, বিশ্বের রচয়িতা তোমাদের ডিরেক্টলি বোঝাচ্ছেন । তোমাদের বিশ্বের মালিক বানানোর জন্য আমি এসেছি । এমন নয় যে শুধু ভারতের মালিক বানাতে এসেছি । এই সময়ে যারা ভারতের মালিক তাদের সেই সুখ নেই । এখন সব কবরে শায়িত হবে, একে বলা হয়ে থাকে অন্তিম সময় । বিশ্বের রচয়িতা অবশ্যই গডকে বলা হবে । তিনি একা নিউ ওয়ার্ল্ডের ক্রিয়েটর । নিউ ওয়ার্ল্ডকে স্বর্গ, পুরানো ওয়ার্ল্ডকে নরক বলা হয় । তোমরা সব বাচ্চাদের মধ্যেও নম্বর ক্রমানুসারে বুঝতে পারে । যার মধ্যে জ্ঞান কম আছে, তাদের এত খুশি থাকেনা । মায়া তাদের খুশিতে থাকতে দেয়না । বাচ্চারা দেহী -অভিমানী হয়না । যখন তোমরা দেহ অভিমানী হও, সব বিকার এসে তোমাদের প্রতিরোধ করে । তোমরা বাচ্চারা জানো যে সেই তিনি আমরা, আত্মাদের বাবা । ভক্তরা সবাই তাঁকে ডাকে, এসে আমাদের কিছু বলা । লিখিত আছে- ভগবানুবাচ, আমি এসেছি, তোমাদের স্বর্গের মালিক বানাতে, তোমাদের উপযুক্ত বানাই । তোমাদের সারা বিশ্বের হিস্ট্রি জিওগ্রাফি শোনাই, এই বেহদের ড্রামায় কে কে মুখ্য অ্যাক্টর ! তোমাদের বুদ্ধি চলে যায় বেহদে । ড্রামায় মূলবতন, সূক্ষ্মবতন, স্থূলবতন সব অন্তর্ভুক্ত । তোমাদের মধ্যেও কেউ আছে যারা এই বিষয়টা খুব ভালো বোঝে । অনেকের কোনকিছু ধারণা হয়না কারণ অনেক জন্ম ধরে তারা অজামিলের মতো মহাপাতক হয়ে থেকেছে, সেই সংস্কারগুলো তাদের মধ্যে থেকে গেছে । তারা এমনই গরম তাওয়া'র মতো, যাতে তারা কোনকিছুই ধারণ করতে সমর্থ হয়না । তাদেরও উদ্ধার হয় । কমপক্ষে তারা স্বর্গে তো যায়, তারা দাস দাসী হয় ; প্রজা হয় । তাদের উদ্ধার হওয়া অর্থাৎ তিনি তাদের স্বর্গে তো নিয়ে যান, তাই না ! বাকি সব পদ তো পুরুষার্থ অনুসারেই প্রাপ্ত হয় । যদি ধারণা না হয় তবে স্বর্গে তো যাবে, কিন্তু দাসদাসীর পদ পাবে । বাচ্চাদের কতই না বোঝানো হয়, তবুও যেন সেই গরম তাওয়ার ওপর জল । সুতরাং, এটা বোঝা যায় যে তাদের সেই সংস্কারগুলো থেকে গেছে । সন্ন্যাসীরাও তাদের সংস্কার নিয়ে চলে । যখন তারা অন্য জন্ম নেবে, তখন আবারও সন্ন্যাস নেওয়ার খেয়াল আসবে । এই সব ব্যাপারই এখানে বোঝানো হয় । সত্যযুগে তো বিকারের কোনো ব্যাপারই নেই । সেখানে জন্ম জন্মান্তর নির্বিকার ভাবের সংস্কার থাকে, মায়ার সেখানে কোনো অস্তিত্বই থাকেনা । এখানে তো বাচ্চাদের সংশোধনের অনেক চেষ্টা করা হয় । কেউ কেউ তো একদমই ময়লা কাপড়ের মতো, ধোপাখানার সামান্য লাঠির বাড়ি মারলেই একেবারে ছিঁড়ে আলাদা হয়ে যায় । ধোলাইকরও কাপড় সামলে রাখেন, কিন্তু যদি পচা এবং জরাজীর্ণ কাপড় হয় তবে তাড়াতাড়ি ছিঁড়ে আলাদা হয়ে যায় । তারপর তারা "আশ্চর্যবৎ ভাগিন্দি" হয়ে যায় । বাবা কতো মেহনত করেন । তিনি আমাদের রাজযোগ শেখাচ্ছেন । তিনি করুণাময়, সবাইকে কৃপা করেন । বাবা দয়ালু কিন্তু মায়া, দয়াহীন । মায়া পুরোপুরিভাবে সবকিছু ধ্বংস করেছে আর এই কারণেই বাবা বলেন, আমি কল্পে কল্পে, কল্পের সঙ্গমযুগে আসি । বাবা পতিতপাবন, পতিত যারা তাদেরই ঘরে ফিরিয়ে নিয়ে যেতে এখানে আসতে হয় । ত্রেতায় কোনো পতিত থাকেইনা যে এসে আমি পবিত্র বানাবো । ভগবান তো ঠুথ অর্থাৎ প্রকৃত সত্য, তিনি সত্যই শোনান । তোমরা বাচ্চারা এখন জানো, চিরকাল বিশ্বের রচয়িতা শিববাবা ব্রহ্মাতন দ্বারা পুরুষার্থ করান, যাতে তোমরা বিশ্বের মালিক হতে পারো । বাবা বলেন, যদি তোমরা আমার মেহনত ব্যর্থ হতে দাও, নিজেদের ব্যবহার দ্বারা যদি অন্যকে প্রবঞ্চনা করো তবে পদ ব্রষ্ট হয়ে যাবে । বলা হবে, এর মধ্যে থেকে এখনও তো ভূত বার হয়নি ! বাচ্চারা তোমাদের আচার আচরণ এমন হওয়া উচিত যাতে সবাই মনে করে, ইনি দেবতার মতো । দেবতাগণ অতি প্রসিদ্ধ । বলা হয়, এনার স্বভাব একদম দেবসুলভ । সুতরাং এটা আন্ডারস্টুড যে বাকি সবার আসুরিক প্রকৃতি । কোনো কোনো বাচ্চা

অতি ফাস্টক্লাস, ঐশ্বরিক গুণবান । তারা একদম মিষ্টি আর শান্ত প্রকৃতির । তাইতো এইরকম বাচ্চাদের দেখে বাবা খুশি হন । তোমরা বাচ্চারা জানো, বাবা আমাদের জন্য ঘর বানাচ্ছেন, তাহলে আমাদেরও সেবা করা উচিত । এইরকম বাচ্চারা বিশেষভাবে হৃদয়ে চড়ে । যারা কিছু না বলাতেও কাজ করে তাদের দেবতা বলা হয়, আর যাদের কিছু বললে করে তারা মানুষ । বললেও যারা করেনা, তারা মানুষের থেকেও খারাপ । বাবা বলেন, বাচ্চারা, যোগে যদি না থাকবে তো মায়ার ধূলায় একেবারে শেষ হয়ে যাবে । বাবা বারবার বোঝান, শ্রীমতে চলতে থাকো । কখনো আসুরিক কাজ কোরোনা । তোমাদের চলন বলন মিষ্টি হতে হবে । দেবতারা কত মিষ্টি স্বভাবের ! ভারতে রাজত্ব করতেন, যথা রাজা রানী তথা প্রজা, সবাই দৈবী স্বভাবের ছিলেন । বাবা আসেন তোমাদের স্বর্গের মালিক বানাতে । সুতরাং, এমন বাবার কতোভাবে মদতকারী হওয়া উচিত ! সার্ভিসে তোমাদের আপনা থেকেই নিজেদের বিজি রাখা উচিত । এইরকম ভেবোনা, ,আমি ক্লান্ত, সময় নেই । সময়ে সব কাজ করার মধ্যে কল্যাণ আছে । শিববাবা তোমাদের যন্ত সেবার প্রতিদান দেন । ইঁনি অর্থাৎ ব্রহ্মাবাবা বাহ্যিকভাবে শুধু তোমাদের সমাদর করেননা, তোমাদের মন জয় করে নেন । উঁনি, শিববাবা একান্তভাবে বেহদের মন অধিকার করেন, ইঁনি নেন হৃদের হৃদয় । ইঁনি যখন বাচ্চাদের মধ্যে দৈবী আচার আচরণ দেখেন, তখন নিজেকে এমন বাচ্চাদের কাছে সমর্পণ করে দেন । যে বাচ্চারা কোনকিছু বলার অপেক্ষা না করে সার্ভিসে তৎপর থাকে, তাদের বলা হয় দেবতা । দেবতাদের কিছু বলার দরকার হয়না । ওখানে আসুরিক স্বভাব হয়না । এখানে অনেক বাচ্চারা তাদের মাতাপিতার মতানুযায়ী চলেনা, সেইজন্য নিজেদের অনেক ক্ষতি করে ফেলে । বাবা বলেন, আমি পরমধাম থেকে বাচ্চাদের সেবা করতে আসি । আমার মতে না চলে কতোজনকে দুঃখ দেয় । কল্প পূর্বেও এমন হয়েছিলো । অমৃত পান করতে করতে তোমরা পতিত হয়ে যাও । একটা কাহিনী আছে, লক্ষ্মী তাদের অমৃত পান করলেও তারা অসুর হয়ে গেছে । সুতরাং, কখনো কাউকে দুঃখ দেওয়ার চেষ্টা কোরোনা । নয়তো সমস্ত রাজ্যভাগ্য হারিয়ে ডান্ডা খাওয়ার উপযুক্ত হয়ে যাবে । বাবা বুঝিয়েছেন, আমি ধর্মরাজ । ইনডাইরেস্ট কিছু যদি করতে তো তারজন্য হৃদের অল্পকালের শাস্তি ভোগ করতে । এখন ডিরেক্টলি বাবার হওয়ার পরেও বাবার মেহনত যদি নষ্ট হয়ে যেতে দাও তো অনেক বড় শাস্তি হবে । আমি তোমাদের দেবতায় রূপান্তরিত করছি । তারপর মায়া এসে আবার তোমাদের অসুর বানায় । বাবা বারবার তোমাদের বোঝান, দৈবী গুণ ধারণ করো । গায়নও আছে রামরাজ্যে জানোয়ারও একে অপরকে ভালোবাসতো । একসঙ্গে একঘাটে জল খেতো । এখানে তারা অমৃত পান করে, তারপর আবার অসুর হয় আর তারপর ট্রেটর হয়ে যায় । তারা তখন ব্রাহ্মণ কুলভূষণগণের সমস্যার কারণ হয়ে দাঁড়ায় । তাদের কত দুর্গতি হবে ! বাবা আসেন সদগতি দিতে । সুতরাং বাচ্চারা তোমাদের দৈবী গুণধারী হতে হবে । নিজে থেকেই তোমাদের সার্ভিস করতে হবে । বাবাও তোমাদের সার্টিফিকেট দেবেন । যাদের বুদ্ধিতে স্থির নিশ্চয় আছে, তারা বাবাকে সর্বদা স্মরণ করতে থাকবে । তাদের খেয়াল থাকে, বাবার নাম বদনাম না করার, তারা কোনো আসুরিক গুণ দেখায় না । এখন, সবাই তোমরা নম্বর ক্রমানুসারে পুরুষার্থী । তোমাদের শুধুমাত্র এই নিশ্চয় থাকা উচিত, আমরা গড় ফাদারলি স্টুডেন্টস্ । বাচ্চাদের প্রতি ভগবানুবাচ, আমি তোমাদের পড়িয়ে রাজাধিরাজ বানাই । তোমাদের যোগ আর জ্ঞান শেখাই । তোমরা দেহী-অভিমানী হও, আমি তোমাদের নিয়ে যাওয়ার জন্য এসেছি । তোমরা আত্মারা আমাকে মশার ঝাঁক সদৃশ ফলো করবে । প্রকৃতই মহাভারতের লড়াই শুরু হলে তারা মশা সদৃশ তাদের পান্ডাকে ফলো করেছিলো । বাবা পান্ডা । তিনি বলেন, আমি তোমাদের লিবারেট করতে এসেছি । তোমরা মায়ার জালে বড় দুঃখী হয়েছো । এক তো তোমরা গর্ভজেলে যাও, তারপরে আবার ওই জেলে যাওয়াও মানুষের জন্য খুব সহজ হয়ে গেছে । খুব খুশির সাথে জেলে

যায়। একে অপরকে দেখে অনশন ইত্যাদিও করতে শুরু করে দেয়। নিজের আত্মাকে দুঃখ দেওয়ার জন্য তারা কি কি করে! একে বলা হয় আত্মঘাত। শরীর সুস্থ থাকলে আত্মা বলে আমি সুখী। যখন শরীর অসুস্থ হয় তখন আত্মা বলে, আমি দুঃখী। বাবা তোমাদের কাছে আসেন স্বর্গের সদা সুখী মালিক বানাতে। বিশ্ব-রচয়িতা বলেন, "আমি নতুন বিশ্বের রচয়িতা, এইজন্য আমাকে মালিক বলা হয়। পরন্তু আমি রাজ্য শাসন করিনা। ভক্তসকলে আমায় পূজা করে। তারা বলে, হে ঈশ্বর! তুমি এসে কলিযুগের দুঃখ থেকে আমাদের মুক্ত করে আমাদের নির্বাণধাম বা স্বর্গধামে পাঠিয়ে দাও। বাবা প্রথমে সুখধামে পাঠিয়ে দেন, তারপর মায়া আবার দুঃখধাম বানায়। এইভাবে চক্র ঘুরতে থাকে। বাবা বলেন, বাচ্চারা অমনোযোগী হওয়া বন্ধ করো। মায়া তোমাদের দিয়ে অনেক ভুল কাজ করায় যাতে পদ ব্রষ্ট হয়ে যায়। বাবাকে জেনে চিনে তাঁর মতে চললে তোমরা শ্রেষ্ঠ হতে পারবে। নয়তো অনেক সাজা খাবে। ঈশ্বরের মহিমা যেমন অপরমঅপার তেমনিই সাজা খাওয়ার দুর্দশাও অপরমঅপার। এখন অন্তিম সময়। বাবা সবার হিসেবনিকেশ চুকিয়ে দেন। সাজাপ্রাপ্ত যারা তারা এই মালায় আসবে না। বাবা বলেন, শুধু এটা স্মরণ করো বিশ্বের রচয়িতা নলেজফুল গড ফাদার আমাদের পড়ান। তিনি নিশ্চয়ই বিশ্বের মালিক হওয়ার উত্তরাধিকার দেবেন। এমনকি তোমরা যদি শুধু এইটুকু মনে রাখো, তোমরা হাসতে খেলতে থাকবে। আচ্ছা!

মিষ্টি মিষ্টি হারানিধি বাচ্চাদের প্রতি মাতাপিতা বাপদাদার স্মরণ-স্নেহ আর গুড মর্নিং। রুহানী বাবার রুহানী বাচ্চাদের নমস্কার।

ধারণার জন্য মুখ্য সারঃ -

১) নিজেদের চলন বলন অতি মধুর হতে হবে। কোনরকম আসুরিক কার্য করা উচিত নয়। দৈবী ম্যানার্স ধারণ করতে হবে।

২) কিছু না বলা হলেও বাবার সার্ভিসে মদৎকারী হতে হবে। বাবার মেহনতের রিটার্ন অবশ্যই দিতে হবে। অমনোযোগী হয়ো না।

বরদানঃ - সম্পূর্ণতা দ্বারা সম্পন্নতার প্রারম্ভের অনুভবকারী সর্ব ঝামেলা থেকে মুক্ত ভব

সঙ্গমযুগে গঙ্গা থেকে সাগর আলাদা নন, গঙ্গা সাগর থেকে আলাদা নয়। এই সময় সাগরে নদীর মিশে যাওয়ার মেলা হয়। যারা এই মেলায় থাকে তারা সব ঝামেলা থেকে মুক্ত হয়ে যায়। কিন্তু একমাত্র তারাই এই মেলার অনুভব করতে পারে যারা সমান হয়। সমান হওয়া অর্থাৎ এক-এর মধ্যে নিমজ্জিত হওয়া। যারা সদা স্নেহে ডুবে আছে তারা সম্পূর্ণতা আর সম্পন্নতার প্রারম্ভ অনুভব করে। তাদের কোনও অল্পকালের প্রারম্ভের ইচ্ছা থাকেনা।

স্লোগানঃ - সদা একাধিপতি বাবার শ্রেষ্ঠ সঙ্গে থাকলে হোলিয়েস্ট এবং হায়েস্ট হয়ে যাবে।